

是常佳地示人又曰浸字最下得好天地間不陡頓佳地陰陽勝又曰天地之道浸這句極好陰陽之道無日不相勝只管逐些子揆出這箇退一分那箇便進一分又曰若不是極靜則天地萬物不生浸者漸

也天地之道漸漸消長故剛柔勝此便是吉凶貞勝之理陰符經此等處特然好

是故聖人知自然之道不可違因而制之至靜之道律歷所不能契爰有奇器是生萬象八卦甲子神機鬼藏陰陽相勝之術昭昭乎進乎象矣

高氏緯畧曰蔡端明云柳書陰符經書之最精者善藏筆鋒予觀此書非雅柳氏筆法通結全不類他書而此序乃鄭澣之作尤為奇絕其曰雷雨在上典彝旁達後其粹精流為聰明四句精絕不似唐人辭章至曰礚礚之遇合金匱之秘奧留侯武侯思索其極尤足以發陰符之用也
按書末數語引而不發頗似深秘奇器萬象不知何所指八卦甲子神機鬼藏殆所

謂術也在人默悟而善用之云

又按鶴山魏氏曰李嘉猷博通經子百氏而深於易晚得專氣致柔之說以陰符參同博考精玩篤信不懈然則知道者固合是二書與易同用云

黃帝陰符經註解終

正一天師清微弟子 洪百堅 製作



道教學術資訊網站

黃帝陰符經註序

餘九

蘇為湖右甲郡士林先輩盛德如石澗翁者遠矣今難其人矣翁平生讀易有見有得故能守恬淡不炫耀書考以終是經所解發明朱夫子所未盡言者使夫子復起不易之矣況繼志如子玉力學如孫楨天之報施固未艾也子玉以是示予俾序篇端予焉敢僭披誦累日感歎滋深敬書數語以酬之亦故交之情有不能自已焉耳予老矣言之豈足乎於人哉言之豈足乎於人哉至正八年十月望日眉山師餘敬書

餘九